



東華錄卷九

湘源蔣良騏千之父

康熙二十七年二月優陞原任檢討魏既齊
為山東布政使御史陸祖修言總河靳輔
身雖任外與九卿呼應甚靈會議之時尚書
佛倫科爾坤等不顧公議左袒河臣竊思河
工屯田二事于成龍倡說俟到京面奏明確

加之乾斷從之。宗人府議給事中高層雲

疏叅大學士王熙向康親王傑書等跪語王

俱坐受旨朕召大臣議事每賜墊坐語嗣後

不必向諸王行跪。靳輔疏叅慕天顏等朋

謀陷害阻撓河務。上諭大學士曰近來議

論靳輔者甚多靳輔為總河有年挑河築隄

漕運並未遲悞謂之毫無効力不可但屯田

下河之事。雖百喙亦難逃罪。即欲置之重典。

亦湏以七八年俟。維用有人。河工告成。始可
議罪。且朕曾閱河防一覽。于治河洞悉。凡事
皆慮永久。此著九卿一併察議。三月。孫在
豐言。臣與佛倫等會勘河工時。原議海口應
行挑濬。擬有疏稿。後竟不以聞。雖佛倫主稿。
寔靳輔陰謀也。其幕友陳璜。贖貨無藉。法所

不宥旨一併察議。

上御門詔諸臣議河工事宜。靳輔曰：臣專管上河，再四籌度，惟有高家堰外再築重隄，水不歸下河，庶有裨於七州縣。至濬下河，恐海水倒灌。

上曰：海水倒灌，無有是理。郭琇奏：靳輔派民之事甚多，在在騷動。况屯田明係奪民產業。

江南田畝原有二畝算一畝者因地窪下
長不常若計畝重課寔為累民

上曰屯田害民百口亦不能辨開海口乃必
應行之事尔等但論下河當挑與否及重隄
之築與不築耳靳輔奏重隄將水截住盡出
清口不令水歸下河則七州縣被水之田可
出重隄築是于成龍奏開海口事奉特旨行

今築重隄停海口縱上流之水不來而天長
六合等處之水洩歸何處臣意應濬海口

上顧大學士曰朕留心河道深悉情形九卿
畏懼靳輔不肯定議明日御門再召諸王尚
書李天福奏靳輔于成龍各堅執前說臣等
公同商酌下河當開重隄宜停

上問靳輔海口何年淤塞輔奏土人云明隆

慶年淤塞至今。海潮來一次。即增一葉厚之沙。故漸塞。

上曰。此言甚屬虛妄。潮退其流甚疾。尚何沙之存積。據爾言。海水倒入。將來海口一開。便有明驗。朕記爾言。又問于成龍。塞減水堤。以開海口。河堤可不衝決乎。成龍奏。不能保其不決。臣于上河。寔未明曉焉。敢妄對。

上曰崔維雅之論可行乎于成龍奏聞人言如此臣寔未甚曉

上顧諸臣曰朕細閱維雅治河書其勢必不能行于成龍亦未洞悉河務仍着公同詳議尋議海口宜開重隄宜停各減水埧俟海口通後酌議緊要者留之不緊要者塞之允之尋諭吏部靳輔慕天顏不便留任孫在

豐亦不便修河。速行更換。調閩浙督王

新命。總督河道。侍郎開音布督理下河。以

屯田累民。敕督撫清理丈出之田。給還原主。

其暫設屯田同知縣丞等官。悉裁汰。革靳

輔。慕天顏職。孫在豐。佛倫等降調有差。六

月。楚省督標裁兵。夏包子名逢龍等鼓譟搶刦。

聚衆作亂。逃撫柯永昇投井死。糧儲道葉映

榴罵賊自刎賊竊踞武昌城命都統瓦岱為
振武將軍率兵討之諭大學士等近來科
道官無條奏者建言乃科道專職祇在不存
私心耳可傳諭有條陳事赴暢春園面奏
尚書阿刺尼報噶爾丹率兵掠厄爾德尼治
居民直抵喀喇卓爾渾之距澤卜尊丹巴所
居僅一日程澤卜尊丹巴携土謝圖漢妻

子及喇嘛班第夜喀尔喀通國各棄廬帳牲
畜南竄土謝圖汗不知存亡命邊塞加防
守七月澤卜尊丹巴胡土克圖遣使告急云
去年噶爾丹率兵三萬來後噶爾丹弟多爾
濟札卜領兵來掠右翼人畜今噶爾丹自杭
愛山後至忒木爾地方土謝圖汗子噶爾旦
台吉與戰大敗僅以身免又聞丹津溫卜等

率兵來取厄爾德尼治之地。距我地二日程。
祈速賜救援。湖廣提督徐治都報。六月十
四日。官兵擊敗夏包子。賊衆二千餘人。於應
城縣陣斬偽副將二。守備三。把總一。隨駐應
城縣內。嗣于十七八日。夏包子率賊萬餘圍
攻應城。我師內外夾攻。大敗之。賊奔德安。
侍讀海三往澤卜尊丹巴處途遇厄魯特。因

携噶尔丹奏疏歸。又囑海三代轉奏。澤卜尊
丹巴來投。或拒而不納。或擒付之。

上遣使往諭。詰問情由。令遵旨議和。喀尔

喀。洪俄尔戴青。台吉。疏報噶尔丹來掠達賴

台吉。至枯倫貝尔。

上諭裕親王福全等曰。厄魯特去我汎界。僅
七八日程。宜預為備禦。其令科尔沁土謝圖

親王沙津達爾漢親王班第派所屬十旂兵
一萬盛京將軍等派兵一千於指之地備禦

南陽總兵史孔藩報七月初十日臣帥師
進討夏逆賊據漢陽我師破門直入賊遁武
昌恢復漢陽徐治都報七月十五夏包子
率賊駕船至鯉魚漕遣叅將鄭興等剿殺焚
其船餘賊未犯大營者官兵擊走之生擒偽

總兵以下二十餘員兵三百餘。夏色子僅以身免。又疏報。七月十八。武昌城偽官弁獻城投降。獻偽軍師妖僧太原首級。收繫夏賊妻。子家口。二十日。黃州府偽總兵獻城降。黃岡縣生員宜畏生等擒賊首夏色子磔軍前。八月。設站侍郎文達等報土謝圖汗與噶爾丹。于八月初三四相遇于鄂羅會諾爾。鏖戰。

三日厄魯特夜襲善巴額爾克戴青之營破
之喀爾喀諸台吉星散土謝圖汗越瀚海奔
至澤卜尊丹巴所九月澤卜尊丹巴胡土
克圖報噶爾丹分兵三路沿途剽掠約會于
我邊哨愛必汗喀喇鄂博之地

上以邊塞不可不防派京師八旗護軍等兵
及宣化大同精兵各一千往歸化城駐備尋

令暫停候旨。先是喀爾喀戴青台吉等二十八人各率所屬入邊請降旨准于汎界以內游牧至是土謝圖汗與弟西地西里巴圖爾台吉率兩翼台吉等又澤卜尊丹巴胡土克圖亦率弟子等入汎界乞降沿邊阿霸哈給諸台吉皆願從內附許之噶爾丹遣使進貢請安十一月兵部奏御史郭世隆言

山海關城守禦章京等官嗣後失察司叅請
加嚴定分處無庸議

上曰偷創人參禁絕甚易。但人參為物治病
有益且無甚關係。故朕于偷創之人亦未嘗
有一正法者。着如部議。

康熙二十八年正月

上南巡閱河。初八日丙子起行。壬午駐蹕平

原縣諭山東撫錢珏。迩年以來，各省地丁錢糧已經節次豁免。山東地方正賦，意欲來歲蠲除。茲因巡幸至此，特先諭該撫速行曉示。甲申幸濟南府，乙酉至泰山之麓，庚寅駐蹕郛城縣蕙花鋪。辛卯閱視中河至支河口，諭諸臣曰：朕觀此河隄隘逼近黃河之岸，且自徐州北鎮口開所出黃河及微山湖荆山口

之水俱歸運河必流于中河駱馬湖之水亦
入此河若遇潦霖萬一黃堤潰決中河黃河
必將混而為一因顧靳輔曰爾當日如何籌
畫開濬中河輔曰臣意開濬此河可以束水
入海今若將搖堤加增修築以保固黃河堤
岸當不至有患摠河王新命奏曰支河口止
一閘倘遇靈潦必至衝壞若下草埽隨時啟

閉于駱馬湖口。作減水埧。令泛漲之水歸入
黃河。再將郟城禹王臺修築。以禦流入駱
馬之水。令歸木河。則中河可無虞矣。丁酉。御
舟泊金山寺。二月初三辛丑。至蘓州。丁未。
至杭州。辛亥。渡錢塘江。壬子。親撰祭文。詣禹
陵致祭。文內書御名。行三跪九叩。先是
上欲親視下河。至是。侍即徐廷望于成龍閣。

視回奏水陸俱難行宿頓無所遂止乙卯自
杭州回銓癸亥至江寧江南民王來熊猷
鍊金養身秘書一冊

上諭曰此等事朕素不信其擲還之三月乙
酉御舟至天津由陸還宮諭曰朕閱視河道民人
船夫皆稱譽前任河督靳輔且見靳輔濬
治河道堤岸堅固勞績昭然著復其原品

七月初九日。冊立皇貴妃佟氏為皇后。明日
皇后崩。九月以旱。免直隸被災州縣衛所。
本年未徵及二十七年上半年錢糧。左都
御史郭琿為特叅近臣植黨營私。招搖撞騙。
罪有可誅。仰請乾斷事。如原任少詹事高士奇。
左御史王鴻緒等。試約畧三為
皇上陳之。高士奇出身微賤。其始也。徒步來

京覓館為生。

皇上因其字學頗工，不拘資格，擢補翰林，令入南書房供奉。不過使之考訂文章，原未假之與聞國政。為士奇者，即當竭力奉公，以報思于萬一，計不出此。而思結納諂附大臣，攬事招搖，以圖分肥。凡內外大小臣工，無不知有士奇之名。夫辦事南書房者，先後豈止

一人地^他人之聲名。總未^著聞。何士奇一人而

聲名赫奕。乃至如此。是其罪之可誅者一也。
久之羽翼既多。遂自立門戶。結王鴻緒為死
黨。科臣何楷為義兄弟。翰林陳元龍為叔侄。
鴻緒胞兄王頊齡為子女姻親。俱寄以心腹。
在外招攬。此督撫藩臬道府廳縣。以及在
內之大小鄉員。皆王鴻緒何楷等為之。

居停哄騙而夤緣照管者餽至成千累
萬即不屬黨護者亦有常例名曰平安
錢蓋士奇供奉日久勢焰日張人皆謂
之門路真而士奇遂自忘乎其為撞歲亦居
之不疑曰我之門路真是士奇等之
奸貪壞法全無顧忌其罪之可誅者三也光
棍俞子易在京肆橫有年惟恐事發潛遁直隸

天津山東洛口地方有虎坊橋瓦屋六十餘
間價值八千金餽送士奇求託照拂此外順
城門斜街並各處房屋總令心腹出名置買
何楷代為收租打磨場士奇之親家陳元師
夥計陳季芳開張緞號寄頓各處賄銀資本
約至四十餘萬又于本鄉平湖縣置田產千
頃大興土木修整花園杭州西湖廣置園宅

蘓松淮揚王鴻緒等與之合夥生理又不下
百餘萬竊思以覓館餬口之窮儒而今忽為
數百萬之富翁試問金從何來無非取給于
各官然官從何來非侵國帑即剥民膏是士
奇等真國之蠹而民之賊其罪之可誅者三
也

皇上聖明洞悉其罪止因各館史書編纂未

完著解任竣事。矜全之恩至矣。極矣。士奇乃
不思改過自新。仍怙惡不悛。當

聖駕南巡時。

上諭嚴誠餽送。定以軍法治罪。誰敢不遵。惟
士奇與王鴻緒。愍不畏死。即淮楊等處。王鴻
緒招攬府廳各官。約饋_饋黃金。潛遺士奇。淮楊
如此。則他處又不知如何索詐矣。是士奇等

之欺君滅法。背公行私。其罪之可誅者四也。
更可駭者。王鴻緒。陳元龍。鼎甲出身。竟不顧
清議。為人作壑。斷而不以為恥。且依媚大臣。
即人之所不屑為者。亦甘心為之。而不以為
辱。苟圖富貴。傷名敗教。豈不玷朝廷。而羞當
世士哉。搃之高士。竒王鴻緒。陳元龍。何楷。王
項齡等。豺狼其性。蛇蝎其心。鬼蜮其形。畏勢

者既觀望而不敢言。趨勢者浸擁戴而不肯言。臣若不言。負罪滋大。故不避怨嫌。仰請立賜罷譴。明正典刑。人心快甚。天下幸甚。旨高士奇。王鴻緒。何楷。陳元龍。王頊齡。俱着休致。回籍。該部知道。十月。諭直撫于成龍。直隸地方。朕屢蠲免錢糧。百姓竟無起色。今年亢旱。比往年更甚。朕在深宮。俯念民生困苦。衣

食艱難宵旰焦勞時欲流涕業經遣官察賑
復與蠲免被災地方大小各官遇此荒年束
手無策于民何益尔等受國厚恩為民父母
寧獨不愧于心當立良法使貧民不填溝壑
以副朕軫念閭閻至意副都御史許三禮為
特叅大臣紊亂國制肇釁開端謹據寔題叅
仰祈嚴勅窮究以杜專擅之漸以垂永久之

制事竊惟

聖朝律例三品大臣子弟不許考選科道獨

原任刑部尚書徐乾學敢恃胞弟徐元文

欽點入閣勢亂紊成例遣子赴考現在補職臣

屬堂官具疏題明蒙

皇上著乾學明白回奏豈乾學將自己潛住
招搖穢跡欲以奉旨苗京一語蓋之徐樹穀

違例考選。指稱吏部題請。閣臣奏明等語。鉗制言官。要見。

皇上之苗。徐乾學者。苗于史館辦事。豈苗潛地招搖。物議沸騰。閣臣之奏明者。不過奏避閱卷之嫌疑。豈有題破歷來之定例。今乾學不引咎悔過。反執吏部閣臣之請。雕琢字眼。粉飾要旨。欲坐臣以指叅不寔之例。而使樹

穀仍居御史之職。明欲肇釁開端。紊亂國制。
專擅之漸。不可不防。更竒乾學律身不嚴。教
子無方。穢迹昭著。有案有據。尚敢肆口妄言。
好講忠孝大義。希圖簧惑。

聖聰不得不列款糾叅。懇乞窮究。逐件刑訊。
並嚴勅吏部。將題請徐樹穀與考之疏。閣臣
啟奏之疏。檢發會議。以服衆心。所有賍款列

于左。一、乾學于丁卯鄉試、戊辰會試在外
招搖門生親戚有名文士各與關節務期中
式。有蘓州府貢生何焯往來乾學門下深悉
其弊。特做會試墨卷序文寓言譏刺。乾學聞知
即向書舖將序抽燬。囑託江蘓巡撫訪拿
何焯。至今未結。一、乾學發本銀十萬兩交
鹽商項景元于揚州貿易。每月三分起息。本

年七月間著伊孫壻史姓家人李相押同景
元于八月二十四日到京算帳共結算本利
一十六萬兩又布商程天石新領乾學本銀
十萬兩現在大蔣家胡同開張當舖其餘銀
號錢卓發本放債違禁收利怨聲滿道一
乾學以門生李國亮為江蘓按察司代為料
理國亮差劉管家送銀一萬兩交乾學管家

吳子彥吳子章叔遇節送銀四百兩小禮銀

四十兩生日送銀一千兩吳子彥為張汧事

發迯回俱子彥胞弟子章叔伊弟元文入閣

辦事國亮差劉官家送賀禮五千兩交吳子

章叔繳一乾學認光棍徐紫賢徐紫書二

人為侄通共扯緯得贓累萬紫賢紫書現造

爛面胡同花園房屋書辦之子一朝富貴胡

為乎來乾學之賍半出其手。一乾學伊弟
拜相之後與親家高士奇更加招搖以致有
去了余秦檜來了徐嚴嵩乾學以龐涓是他
大長兄之謠又有五方寶物歸東海萬國金
珠送澹人之對京城三尺童子皆知若乾學
果能嚴絕苞苴何以加此醜語耶。一乾學
遣弟徐宏基遍遊各省名抽豐獨于河南磁

州彰德等處久戀一載有餘放賭宿妓良民
受苦怨聲載道一乾學買憲臣傳感丁在

京房屋一所價銀六千餘兩買學士孫在豐
在京房屋一所價銀五千五百兩買慕天顏

無錫縣田一萬頃京城繩匠胡同半載載胡同

與橫街新造房屋甚多不能枚舉蘓州太倉
昆山吳縣長州常藝吳江等州縣俱係徐姓

房屋田地。一乾學之子徐樹屏徐樹聲于
甲子科廣緣中式。獎發黜革。行止有虧。莫此
為甚。以上各款。百未盡一。伏乞立賜處分。
云云。旨許三禮職為言官。凡為糾叅。自應據
實指陳。前叅乾學疏內。不一併指出。乃于部
覆議處之後。復行具款列奏。明係圖免已罪。
著嚴飭行。該部知道。先是許三禮疏叅徐乾

學奉旨令乾學回奏。乾學言：臣從前具本辭職奉

皇上隆恩，留京充各官總裁，並非私行潛住。臣子樹穀考選時，亦係請旨准行，非敢違例。部議三禮所奏不寔，應降二級調用。從旨。從寬留任。故三禮復上是疏。十一月，以旱災免武昌等府二十州縣四衛所。二十九年上

半年地丁錢糧。荊州安陸所屬九州縣四衛
所。本年未經徵收。及二十九年上半年錢糧。
理藩院題烏斯尼哈白塔住持喇嘛羅卜
藏宜寧等稱伊師喇木占巴喇嘛復轉生子
世。祈請往聚取。

上曰。蒙古之性。深信詭言。但聞喇嘛。胡土克
圖。胡必爾汗。不詳真偽。便極誠叩頭。送畜牲。

等物以為可獲福長生至破蕩家產不顧而
奸宄之徒詐謂能知前生事惑衆欺人網取
財帛牲畜敗壞佛教諸蒙古篤信喇嘛久已
惑溺家々供養聽其言而行者甚衆應將此
等詐稱胡土克圖者嚴行禁止 十二月定
鄂羅斯邊界立碑於格尔必齊河勒滿漢及
鄂羅斯喇第納蒙古字於上

康熙二十九年四月大清會典告成 五月

吏部以行取知縣事請旨命九卿以平昔所

知舉奉^奏尋尚書王隲舉清苑縣邵嗣堯尚書

李天馥舉三河知縣彭鵬靈壽縣陸隴其

徐元文舉麻城知縣趙蒼璧俱准行取

六月尚書阿喇尼紀爾他布等報我師與厄

魯特戰於烏爾會河失利 七月噶爾丹深

入烏朱穆秦地。命裕親王福全為撫遠大將。
軍皇子允禔副之。出古北口。恭親王常寧為
安北大將軍。簡親王雅布信郡王鄂札副之。
出喜峰口。內大臣舅佟國綱、佟國維、大臣
索額圖、明珠、阿密達都統、蘓努、喇克達、彭春、
阿席坦、諾邁、護軍統領、苗齊納、楊岱、前鋒統
領、班達爾、沙邁圖俱叅領軍務。尋停止。恭親

王兵命康親王傑書等率^兵往會裕親王福全
軍命恭親王帥師會裕親王軍令康親王軍
駐歸化城

上巡兵至博洛河屯回鑾八月索額圖疏
言濟隆胡土克圖使人拉木巴噶爾丹
使人尊多伊格蘇爾至營請以土謝圖汗澤
卜尊丹巴昇之視來人形狀甚覺倉皇有窺

探大軍意厄魯特現至烏蘭滾倚險結營祭
旗誦經距我軍僅四十里裕親王等疏報
聞厄魯特屯于烏闌布通八月初二日列兵
徐進自未時交戰至掌燈時大敗之斬殺甚
多以昏夜地險收兵徐退

上天喜焚香謝天裕親王疏報擊賊噶爾
丹次日即前進剿殺餘寇見噶爾丹據險堅

拒遣伊拉古克三土克圖來復以請土謝圖
汗澤卜尊丹巴界之初四日濟隆率弟子七
十餘人來臣等思噶爾丹于戰之次日屢遣
人來必多窘迫臣等即欲進剿則厄魯特據
險堅拒俟其往來講解以待盛京烏喇科爾
沁諸軍至齊夾擊尋大臣議大將軍王等既
大敗厄魯特乃不即行剿滅明知濟隆行詭

以誤我軍而故聽之。豈不坐失事機。旨命作
速追剿。且切責之。命都統希福馳赴裕親
王軍前。叅贊軍務。諭大學士允禔等。聽信
羣小讒間之言。與裕親王不協。妄生事端。私
行陳奏。必致僨事。著撤回京。先是裕親王
等疏言。噶爾丹迫于追襲。自什拉穆河載
水橫渡大積山。連夜遁走于剛阿腦爾。臣等

欲追而馬力不能前進。又恐噶爾丹去遠。因
與濟隆胡土克圖約。使噶爾丹近我。而止。以
禮定好。遣人偕往諭之。至是。又言。噶爾
丹使人持書至。告曰。噶爾丹博碩克圖。跪
于威靈佛前。誓曰。若違此書。惟佛鑒之。其書
云。今倘蒙

皇上惠好。自此不敢犯喀爾喀。臣等許其

歸好。尋王大臣議噶爾丹乃極狡詐之人。
屢遣人以立誓為詞。今又剗掠克西克騰
之三佐領矣。但王等親在軍中。事皆目擊。
應准所奏。命噶爾丹堅誓而釋之。王等仍
駐彼探噶爾丹遠去寔音。令蘓爾達音照常
防守從之。裕親王等言。我使伊拉古
克三齎噶爾丹奏章。還其詞曰。伏蒙鑒照。

下情普使安全在、歡忭謹上書為永遠不
絕之信誓、又使人云、噶爾丹頂佛像設
誓曰、

聖上即佛天、乞宥我罪、凡有諭旨、謹遵行、
今往界上駐札候旨、尋又據濟隆、持噶爾
丹誓書來、且述噶爾丹之言、我蒙王及皇
子、大臣見憐、我正歡忭、云々、尋議噶爾丹

不敢抗拒天威。設誓請罪。准所誓。令出邊
候旨。再檄裕親王等。仍俟噶爾丹出邊。另
行請旨。撤兵。許之以敕諭。噶爾丹以噶爾
丹雖降人。殊狡猾。仍派大兵備之。九月。
免直隸順天保定河間真定順德廣平
大名所屬並宣府被灾等處。二十八年未
徵地丁錢糧及廿九年上半年應徵錢糧。

兵部請弛養馬之禁。聽從民便。從之。十月。

諭曰。凡擬撰文章。係翰林官職。掌理當加意
詳慎。克肖其人。何可意為輕置。今覽楊瑄所
撰。內大臣都統公。舅。佟國綱祭文。引用王
彥章事蹟。極其悖謬。且見所撰祭文。每於旗
下官員。多隱藏不美之言。於漢人。則多鋪張
粉飾。是何意見。並傳張英。及撰文者。以從前

姚文然、魏象樞、葉方藹、蔡文、與此祭文較者。
尋准部議、編修楊瑄革職、發奉天入旂當差。
張英、草去禮部尚書、仍官翰林院詹事府事。
噶爾丹遁出汎界、具疏謝罪、撤回裕親王
兵、及防守遵化州、綠旂兵。十一月、達賴喇
嘛率西海諸台吉、及噶爾丹、具疏請上尊、尊號。
不允。信郡王鄂札、叅奏裕親王等、既經戰

勝不乘機剿滅。反行文禁止。蘇爾達等進兵。
致窮寇逃遁。

上從寬。罰俸有差。

康熙三十年正月。先是噶爾丹認罪立誓。上
書請降。

上以噶爾丹狡猾。宜發兵預備。至是授都統
瓦岱。定北將軍。往張家口。都統卽談安北將

軍往大同。聞噶爾丹剽掠墨爾根濟農巴圖爾額爾克濟農向青海而去。命陝西西安圖爾額爾克濟農于寧夏脩之。二月策妄阿喇布坦及阿奴等遣使奏與噶爾丹交惡。始末厚賜遣之。賜噶爾丹敕畧曰喀爾喀逃來人言汝厄魯特牲畜已盡無以為食人被疾疫死亡相繼其移近邊汎當加恩厚賜。

如決計入降，益從優撫養。云。四月。

上親巡察邊外蒙古，徧立喀爾喀七旗，與四

十九旂等。五月，癸卯，回宮。禮部會議會

試應于南北中卷內，再分江南浙江為南左，

江西湖廣福建廣東為南右，直隸山東為北

左，河南山西陝西為北右，四川雲南為中左，

廣西貴州為中右，從之。大學士伊桑阿等

以喀爾喀臣服請上尊號不許七月瓦岱

言臣等至克魯倫哨探噶爾丹遁去已久遂

回軍閏七月川陝總督葛思泰疏報臣差

副將陳祚昌等哨探至昌寧湖有巴圖爾額

尔克濟農之弟博祭將往西海遣喇嘛借名

來言請在昌寧湖牧馬隨遣官兵四面進剿

大敗之殺蒙古兵五百餘博祭遁走九月

免河南三十一年錢糧並漕糧及山西陝西
被災州縣錢糧 十月免河南陽武等二十

三州縣本年分旱災額賦有差及山西岳陽
等八州縣本年分蝗災額賦有差 免江南興

化縣本年分蝗災額賦 十一月免陝西渭

南等二十一州縣本年分旱災額賦有差

免河南滎陽等二十六州縣本年分蝗災額賦

有差。免陝西西安鳳翔被災等處三十一

年額徵銀米。命山西省撥銀二十萬兩解

赴陝西賑濟飢民。免陝西寧州鎮原縣本

年分電災額賦有差。免湖廣沅州等三

州縣本年水災額賦有差。免雲南昆明等

十州縣本年分水災額賦有差。免直隸霸

州等二十四州縣本年旱災額賦有差。十

二月諭戶部湖廣江西浙江江蘇安徽山東
應輸漕糧自康熙三十一年始以次各蠲一
年免直隸永清等五十三州縣衛本
年分旱災額賦有差是歲人丁戶口二
千三十六萬三千五百六十八兩田地山
蕩窪地五百九十三萬二十六百八十四頃
二十七畝有奇徵銀二千七百二十七

萬五千一百六十四兩有奇。米、豆、麥六百九十五萬二千八百一十一石有奇。草二千八百萬三千四百六十五束。茶十五萬七千四百五十三引。行鹽四百三十三萬五千八百六十三引。徵課銀二百六十九萬七千七百五十一兩有奇。鑄錢二萬八千九百九十二萬一千五十有奇。

康熙三十一年正月初一日午刻日食。命
督撫等令各州縣積貯米穀。

上御乾清門取性理展閱。謂諸臣曰。律呂新
書所言筭數專用徑一圍三之法。朕觀此法
必不能合。蓋徑一尺則圍當三尺一寸四分
一厘有奇。若積累至于百丈。所差至十四丈
有奇。等而上之。舛錯可勝言耶。因取方圍諸

圖指示諸臣曰。所言徑一圍三。止可算六角
之數。若圍圓則必有奇零。理甚明顯。觀朕八
線表中。半徑勾股之法。極其精微。凡圖者可
以方算。開方法即從此出。至隔八相生之說。
聲音高下。循環相生。復還本音。必須隔八。此
一定之理。隨命樂人取笛和瑟。次第審音。至
八聲。仍還本音。又日算精微。密即河道開口。

流水亦可算晝夜所流分数其法先量閘口
濶狹計一杪所流幾何積至一晝夜則所流
多寡可以數計矣先是欽天監題本年正
月初一辛亥日食查驗有大臣黜近臣有憂
等語諭大學士曰自古不肖大臣正法者頗
多此皆係于人事凡占候當直書其占語
今往、揣度時勢附會陳說可傳諭之諭

大學士等前者進呈明史諸卷命熊賜履校
讐賜履寫簽呈奏于洪武宣德本紀訾議甚
多朕思洪武係開基之主功德隆盛宣德乃
守成賢辟朕自反厥躬于古聖君亦不能逮
何敢輕議前代令主若表揚洪宣朕尚可指
示詞臣撰文稱美倘深求剌論朕不惟本無
此德本無此才亦非意所忍為也至開創諸

臣若撰文臣事亦優于武臣則議論失平難
為信史爾等當知之 二月以靳輔為河道
總督 三月侍衛阿南達報巴圖爾額爾克
濟農以絕糧窮困來降尋率其子雲木春台
吉來朝 四月諭戶部動支庫銀一百萬兩
速送陝西以脩散給軍需賑濟飢民 上諭
瀛臺內豐澤園澄懷堂尚書庫勒納奏曰聞黑

龍江日長夜短。雖晚日落。不至甚暗。不知何故。

上曰。黑龍江極東北之地。日出日入。皆近東北方。所以如此。十月。以陝西西安等處。連歲飢荒。繼以疾疫。免所屬府州縣衛所康熙三十二年地丁銀米。及從前積欠。諭大學士等。近日光祿寺奏。停荐新芽茶。朕思此物

解京均于地方百姓有累省一件如去一病
凡有類于此者俱宜停止其各省慶賀表箋
每次遣官齎送煩擾勞苦尋議按期交與督
撫彙齊齎送停遣官十一月工部
覆江督河靳輔言高家堰加築小堤
中河挑濬河溝增高遙堤添造閘口
俱應如所請

上曰中河甚為有益。靳輔欲挑濬河溝，加高
遙堤，又塞張莊運口，修駱馬湖東西石閘。水
漲之時，開之使流水；落之時，塞之使聚。其言
尤可。至于高家堰堤外，欲築一小堤，此豈可乎？
且承受洪澤湖大水，全惟高家堰是賴。將高
家堰之隄築之，使其一堅則可；其外築一小
堤，有何益哉？倘高家堰之堤衝決，一小堤能

禦之乎。此皆靳輔執其向時意見而行之也。
九卿議覆。靳輔言。如黃河兩岸栽柳種草。設
涵洞。應如所請。其挑濬河溝。引水淤塞堤下
積水之處。又引水淤墊邳州低窪之處。應令
該督議奏。

上曰。黃河水勢湍迅。倏而彼處深。此處淺。倏
而船被阻淤。變遷無定。欲引黃河灌使淤平。

窪地事屬危險朕斷不敢輕信不准行

康熙三十二年正月差閱河工大學士張玉書等還以河圖進呈奏曰前諭旨所云小堤無益極是

上曰朕揆之事理以為無益尔等所議甚當

三月以秦省旱荒遣皇子允禔祭華山

八月諭廣西四川雲貴四省俱屬邊地土壤

硃瘠民生艱苦歷歲屢施恩卹廣西康熙十
六年通省錢糧十七十八年民欠錢糧貴州
康熙二十二年秋冬及二十三年春夏地丁
錢糧又貴州四川康熙二十五年未完及二
十六年應徵錢糧雲南康熙二十七年以前
屯地積欠錢糧俱經次第蠲豁茲再沛優恩
所有三十三年四省應徵地丁銀米著通行

蠲免。廣西撫王啟元奏粵西武生甚少。請
停本年鄉試從之。十月。

上諭曰。給事中彭鵬奏。今科順天鄉試疏內。
有請朕親審語。是謂諸大臣皆不可信矣。雖
彭鵬亦可信乎。况治天下當崇大體。如大小
事皆朕一人親審。則庶務何由畢理。即依彭
鵬所奏。將徐焯等親問。必將刑具取入宮內。

刑具乃不得已而用者。朕亦何忍見之。彭鵬
既係言官。當勸朕寬大和平。乃請親行刑訊。
朕寔不解也。免陝西西安鳳翔二府被災
州縣衛所三十三年地丁銀兩及江南六合
縣本年水災額賦有差。免山西沁州定襄
武鄉三州縣本年雹災額賦有差。免直隸
順天保定河間真定四府屬三十八州縣本

年水災額賦有差免江南海州等八州縣
衛及全椒縣本年水災額賦有差鄂羅斯
察漢汗遣使進貢

上曰鄂羅斯人材頗建從古未通中國距京
師甚遠自嘉峪關行十一日至哈密自哈
密行十二日至吐魯番吐魯番有五種部
落遇吐魯番即鄂羅斯之境聞其國有二萬

餘里。漢張騫出使西域。或即彼處。史載霍去

病。^曾增出塞五千里。想或有之。今塞外尚有碑

記。可考。至外藩朝貢。雖屬盛事。恐傳至後世。

未必不因此反生事端。總之中國安寧。則外

釁不作。故當以培養元氣為根本要務耳。

免山西蒲州本年水灾額賦。十一月諭大

學士等。朕每日聽政。必于辰刻中御門。聞部

院奏事大臣每日于黎明時齊集午門外。久
候方始入奏。迨奏畢復各歸署理事。無乃過
勞。朕觀大臣內年有及六旬者。亦有六旬以上
者。此後于家中各進糜粥。按時來奏。亦不
遲悞。大臣積勞養體。亦可多為朕効力。數年
可傳旨令知之。免江南高郵等四州縣本
年水災額賦有差。以畿內務米價騰貴嚴禁

順永保河四府屬蒸造燒酒 免順永保河

四府三十三年地丁銀米及歷年舊欠 十

二月免江南清河縣本年水災額賦論大學

士等朕覲近日政務簡少每啟奏大臣中有

年邁者甚屬勞苦自後年六旬以外大臣令

其量力間二三日一來啟奏至摺本內遇要

緊事朕有旨傳進爾等方來請旨若無朕旨

爾等將摺本彙齊亦間二三日一來啟奏

免湖廣興國江夏四州縣本年旱災江南泰州興化縣山西河津榮河二縣浙江餘姚等三縣本年水災額賦有差

康熙三十三年三月免山西平陽府澤州沁州所屬康熙三十年三十一年未完地丁錢糧及借賑銀米五十八萬一千六百餘兩米

豆二萬八千五百八十餘石。四月理藩院

題今歲編審外藩蒙古四十九旗人丁共二十萬六千二百七十有奇。內除隸公主郡主王貝勒貝子公額駙台吉等三萬一千五百九十六丁外餘九萬四千六百七十餘丁。內着一丁披甲應披六萬四千八百九十一甲。下所司知。

賜第與金印文曰掌尾赤喇坦喇達賴喇嘛
教弘宣佛法王布忒阿達白迪之印 五月

步軍統領凱音布奏新修天壇一帶沙路應
派兵看守往來人止走兩旁勿行中路

上曰修葺道路專以便民不許行走修之何

用若云禁行中路則看守之人必并禁及兩
旁殊於行人不便仍聽人照常行走後若毀

母
壞令步兵稍々葺治。九卿議給事中彭鵬
叅順天學政兵部侍郎李光地。毋故貪戀祿
位。不請終制。應將李光地解任。不准回籍。在
京守制從之。

諭禮部尚書兼翰林院掌院學士事張英。翰
林係文學親近之臣。向因有日講。時々進見。
可以察其言語舉止。近日進稀少。講官侍班。不

過頃刻豈能深悉著將翰林院詹事府國子
監官員每日輪四員入直南書房朕不時諮
詢可以知其人之能否以備擢用 閏五月
諭大學士等朕先慮翰林官壅滯故用數人
於部院衙門所用數人學問皆優如有翰林
缺出仍著開陞補

諭大學士等初四日召試翰林官於豐澤園

在瀛
臺

出理學真偽論此亦書籍所有成語熊賜
瓚見此輒大拂其意應抬之字竟不抬寫不
應抬之語輒行妄用原任刑部尚書魏象樞
亦係講道學之人先年吳逆叛時議奏發兵
象樞云此烏合之衆何須發兵昔舜誕敷文
德舞干羽而有苗格今不煩用兵撫之自定
與索額圖爭論成隙後十八年地震時象樞密

奏速殺大學士索額圖則于皇上無干矣朕
曰凡事皆朕聽理與索額圖何関道學之人
果如是挾仇懷恨乎又李光地湯斌熊賜履
皆講道學之人然而各不相合李光地曾授
德格勒易經光地請假回籍時朕召德格勒
進內講易德格勒奏言光地熟精兵務其意
欲為將軍提督皇上若將光地授一武職必

能勝任。反覆奏請。爾時朕即疑之。德格勒
又奏。熊賜瓚所學甚劣。非可用之人。朕欲辨
其真偽。將德格勒、熊賜瓚等考試。湯斌見德
格勒所作之文。不禁大笑。手持文章墮地。向
朕奏云。德格勒文甚不堪。臣一時不能忍笑。
以致失儀。既而湯斌出。又向衆言。我自有生
以來。未嘗有似此一番造謊者。頃乃不得已。

而笑也。道學當以忠誠為本，豈有在人主前
作一等語。退後又別作一等語者乎？今湯斌
雖故李光地德格勒現在也，又熊賜履所著
道統一書，王鴻緒奏請刊刻，頒行學宮。高士
竒亦為作序，乞將此書刊布。朕覽此書內，過
當處甚多。凡書果好，雖不刻自然流布。否則
雖刻何益？道學之人又如此務虛名而事干

瀆乎。今將此等處。不過諭爾等聞知。朕惟以
治天下國家之道存之于心。此等人議論。又
何足較也。尋議兵部督捕左理事官熊賜
瓚於文內用宗廟二字。不抬寫。又妄用不應
用語。顯係不敬。應革職拿問。旨免之。刑部
等題。太監錢文才毆死民人徐二。
上諭曰。凡太監犯罪。斷不可宥。朕觀古來太

監善良者少。要在人主防微杜漸。迨其勢既
張。雖欲制之。亦無如何。漢時十常侍。唐北司。
甚至人主皆為所制。此非一朝一夕之故。太
監原屬陰類。性情與常人不同。有年已衰老。
而言動尚若嬰兒。外似謹厚。中寔叵測。必人
主英明。此輩始無由弄權。朕聞明代諸臣。將
本章批答委之。其能免於舛謬耶。錢文才案。

記之秋審勿令倖免。七月諭內大臣和托

揮特之根敦戴青擒厄魯特人至供云噶爾丹今年正月來于庫克朔東杭幾爾查克地方居住等語觀噶爾丹前進情形當是圖根敦戴青而來。至土喇一帶搶掠邊境之喀爾喀亦未可定可調寧夏歸化城及右衛之兵循克魯倫河於土喇等處探彼消息尋授

領侍衛內大臣費楊古。卽談希福為將軍。作
速起程。旋以尚書班迪報。似乎無事。又聞
噶爾丹有趨歸化意。令右衛兵回右衛。歸化
城兵。卽談兵。俱回歸化城駐防。八月。免廣
東南海三水高要三縣本年水災額賦。九
月。撤回。卽談兵。班迪奏。安棟根敦戴青所
屬四台吉三千餘口。於伊魯戴青尋入覲。授

扎薩克多羅貝勒免山東邱縣本年水灾

額賦十一月免直隸安州等十一州縣三

十四年地丁錢糧及江南邳州二十四年至

二十七年窪地民欠額賦十二月諭大學

士閩浙總督朱宏祚大計疏內有閩省地瘠

民佻語豈全省皆佻薄乎原任巡撫張德地

署延綏時曾奏延安邊地並無可舉博學鴻

詞之人原任少詹事邵遠平奏南方之人皆
輕浮不可用朕思賢才生不擇地南人豈盡
輕浮二人所言甚不愜朕心因皆罷斥今朱
宏祚又以謬言陳奏不合尋議宏祚降四級
調用從之

三十四年乙亥正月諭大學士等興永朝前
請丈量湖南田地有累於民否治國之道莫

要於安民。或有不肖州縣。將田地盡未丈量。
輒稱餘田加賦者。亦未可定。安有加增田賦。
而全不累民之理。著湖廣總督吳玘詳察具
奏。二月。厄魯特噶爾丹遣使入貢。疏言使
臣馬迪被害。不獲詳知。難于覆奏。所云約地
會盟之事。俟候奏聞。請將喀爾喀七旂發回
故土。澤卜尊丹巴及土謝圖汗二人亦仍照前

奏

上賜勅責之。且云。嗣後若仍怙惡不悛。蔑視
前諭。永勿上疏。遣使貿易。太和殿興工。

三月。免山西河津。榮河二縣本年分水衝田
畝額賦。免福建閩清三縣三十三年水災

額賦。

四月初六日。山西平陽府地震。

臨汾等十

四川縣一衛

房屋倒塌。人民損傷。尋停收本年錢

糧遣大臣賑恤。壓死大口給銀二兩，小口給銀五錢。無力修屋者，每戶銀一兩。六月，總漕王樑疏叅贛州衛千總楊泰等，于漕船裝帶貨物。

上曰：王樑將漕船所載貨，盡行搜出，棄置河岸。所行甚暴，從來未嘗禁帶貨，而漕船並未遲悞。今王樑禁止，而漕船至今未到，裝帶些

徵貨物於事何妨。王樛不但暴戾，凡事執拗，
宜令解任。七月，噶爾丹遣使上疏，仍如前
奏，下敕責之。

上巡塞外，西安將軍博齊報噶爾丹屬下回
子搭什蘭和卓等五百許人，遇我三岔河汎
界，總兵潘育龍擒解前來，請皆拘留，俟得噶
爾丹確信，再行遣回從之。先是京城預備

大兵派為三隊至是諭曰聞噶爾丹有順
克魯倫河而來之信三隊兵應作速啟行尋
令副都統阿南達自甘州回西安將軍博齊
回寧夏先是密諭科爾沁土謝圖親王沙
津曰噶爾丹極狡猾欲發兵恐彼聞風遠遁
兵撤則又復來今噶爾丹遺爾書可藉此遣
人語云我科爾沁十旂俱附爾可前來誘

至近地。於時朕親統大軍。風馳電擊。斷可滅
矣。至是沙津來朝。遣侍郎西。同往。密授說
之計。尚書班迪報送文兵報稱。回至巴
爾泰罕。遠望厄魯特兵。沿克魯倫河。屯劄甚
衆。

上令增發兵一隊。安北將軍伯費揚古奏。
臣親率大兵往四子部落。蘓尼特爾等處駐

札相機征剿。九月。

上回宮。免直隸順天保定河間永平四府。

三十五年地丁銀米。十月以噶爾丹肆掠。

納木札爾陀音派西安寧夏滿漢兵從西路。

進京師兵從中路進。乘雪而行。到彼時塞草。

發青。可以前進。發沙木巴戴青墨爾根濟。

農并附^近喀爾喀諸台吉之兵于諸處防守。

班迪報遣人至克魯倫河探得噶爾丹在
我格穆爾布尔哈蘓泰度冬候雪後仍行約
三百戶駱駝牛馬千餘絕無羊羣毳幕敝壞
諭議政大臣飭兵預備設彼于嚴冬妄進即
行剿滅十一月己未朔日食免宣化府
龍門等縣三十四年三十五年額賦以霜灾
故也以山西平陽府地震赦天下

三十五年三月丙辰

月晦也三十日

未知二十九或

上親征厄魯特噶爾丹六軍啟行先是噶爾丹自烏蘭布通敗遁後仍侵掠我臣服之喀爾喀潛入巴顏烏蘭之地

上密諭科爾沁土謝圖親王沙津遣人約至噶爾丹果沿克魯倫河而下掠喀爾喀納木扎爾陀音遂踞巴顏烏蘭因命安北將軍伯

費揚古為撫遠大將軍。從歸化城進發。揚威
將軍舒恕。西安將軍博齊振武將軍孫思克
等。由鎮彞取昆都倫一路。俱于二月二十日。

前後起程。

此皆西路

上自統中路大兵出獨石口。將軍薩布素統

盛京寧古塔黑龍江科爾沁兵沿克魯倫進。

此東路

四月乙巳二十日。

上駐蹕西巴尔台。先是大將軍伯費揚古疏
言。四月二十四日。可到土喇。二十七日。可到
巴顏烏蘭。是以中路大兵。整旅安行。期西路
兵兩路夾進。至是哨探人回言。厄魯特實在
塔爾幾爾濟。而費揚古奏至。乃云。于四月八
日。至翁金口。東進兵。初十日。自烏蘭厄魯幾
起程。與將軍孫思克。博齊。一路前進。記本月

三十日可至土喇。阿喇克山之西克勒河朔
地方。來月初七可至巴顏烏蘭。五月丙辰
朔。

上駐蹕拖陵布喇克。遣使同所獲厄魯特四
人。賫勅書諭噶爾丹。我使回。偵知噶爾丹
所在。壬戌。

上躬率兵前行。諸軍以次進。癸亥抵克魯倫。

河噶爾丹知 聖駕親來大驚盡棄廬帳器
械逃去 甲子

上親率前鋒兵窮追噶爾丹倉皇遁走沿途
遺棄器物 丁卯命領侍衛內大臣馬思喀
為平北大將軍領兵追剿

上班師駐蹕克勒河朔 癸酉費揚古捷音
至言軍至昭莫多噶爾丹率賊萬許逆戰自

未至酉大敗之。剽殺三千餘里，斬首二千餘級。俘獲無算。殺噶爾丹之妻阿奴及賊渠甚衆。噶爾丹引數騎逃出。六月初九癸巳。

上還宮。明日行慶賀禮。七月，命內閣翰林

院修平定朔漠方略。九月，遣官送回回國

王。阿卜都里什特及其子額尔克蘇爾唐歸國。初，阿卜都里什特為噶爾丹久拘，及噶爾

丹敗始脫身來歸。

上賜銀幣遣歸葉爾欽。先是以淮黃交漲。

遣員外郎綽奇閱黃河水勢。至是回奏中河北岸之堤未遭水患。其水已減六尺。

上諭大學士等曰。向朕逆料中河北岸之堤最為緊要。因命靳輔于成龍加意修治。是以雖遇大水。得無妨害。歷年之水。無有大於今。

歲者此番無害似可永固黃河之水從雲梯
関入海雲梯関沙漲壅塞水每為其所阻以
致退流衝決今將淤泥挑濬河道加深所以
水得通洩其利普矣厄魯特格壘沽英塞
桑等遣使請降

上巡行北塞經理軍務壬申啟行伯費揚
古報副都統祖郎璧等敗厄魯特丹濟拉於

翁金 辛巳京師地震 十月

上駐蹕歸化城厄魯特降人言噶爾丹於九月二十二日從枯倫百爾齊爾向哈密而去上諭乘此機會作速剿滅著大兵即由內地前往十一月厄魯特布達里來降奏稱噶爾丹見有千餘之兵食用困乏潰敗及凍餓死者甚多又火藥軍器遺亡殆盡其塞桑諾

尔布亦即日率衆降矣。未幾果來降。戊辰。
京師地微震。冬至遣噶爾丹使人格壘沽
英還賜之勅諭。令親身來降。先是噶爾丹
遣使納款。至是遣還。是日班師。駐蹕黃河
西界薩爾虎拖會。十二月二十壬寅。
上還宮。



